



中電唯一11,000伏特 架空電纜帶電工作隊 守護供電系統

安全帽、絕緣臂袖同手套、防衝擊眼鏡，仲加埋阻燃服，咁充足嘅裝備到底係要做咩工作呢？咪就係11,000伏特架空電纜帶電工作囉！

由中電培訓、全港唯一嘅11,000伏特架空電纜帶電工作隊伍，其實係由中電北區特別項目經理Stephen帶領嘅。佢同20人嘅團隊可以喺唔需要安排計劃停電嘅情況下進行預防性檢測及維修保養架空電纜工作，維持電力穩定之餘，仲減少對市民嘅不便。

中電喺1998年引入咗帶電工作技術，Stephen仲喺澳洲接受過相關訓練嘅。團隊除了執行日常維修保養工作，喺颱風期間都要24小時候命，一旦有電力故障，就要協助維修。



①分鐘檢查☑ 你係咪雪櫃收納達人

上集分享咗兩個雪櫃檢查畀大家，今次講埋剩低兩個測試！

1. 以往會聽到人教鮮肉類、牛奶應放喺較冷近出風口嘅位置，可以延長食物保存期。但其實延長食物保存期並唔係決定食物位置嘅唯一準則，肉、蛋應該放喺當眼同容易拎到嘅位置。塞得咁埋好易唔記得煮，而且每次開住個雪櫃門攞好耐先搵到，咁電之餘仲好傷部雪櫃嘅。
2. 有啲人覺得蔬果成日爛，係因為雪櫃唔夠凍，於是走去校凍啲，其實咁樣做好咁電。蔬菜易爛有時未必關雪櫃溫度事，可能係因為你將蔬菜同生果堆埋一齊。其中西蘭花、生菜、甘筍、青瓜、椰菜、茄子、牛油果同生果堆埋一齊就特別易爛。唔想搞到啲蔬果咁快霉，最好用食物盒分開擺，慳電之餘食物可以保存得更耐。

新App起動 一應俱全 立即下載並啟動 中電One賬戶檔案



一個App，令你嘅生活不再一樣，講緊嘅係已全面起動嘅中電App。而家下載或者更新應用程式，再啟動埋中電One網上賬戶檔案，就可以享用中電嘅一站式服務平台喇！

今次升級除咗有全新介面，新功能仲非常體貼：以一個電郵或電話即可管理所有你選用嘅中電服務；亦新增咗繳費靈同轉數快嘅App-to-app繳費功能，大家以後交電費就更方便；仲有埋用電數據分析，大家可以隨時隨地入嚟查閱過去每日及每小時嘅用電量*，全方位幫你慳電。

而家成功啟動中電One網上賬戶檔案除咗可以賺取度度分，用電子支付工具嚟交電費，仲享有唔同銀行嘅現金回贈優惠㗎！

煥然一新嘅中電App，隨時配合你嘅生活需要，入嚟睇最新中電App嘅功能，立即啟動中電One賬戶檔案體驗我哋嘅升級服務啦！

小貼士：如果你從未有過中電網上賬戶，請先建立中電One賬戶檔案；如你已有中電網上賬戶，請使用你原有嘅登入方式（例如短訊、電郵、生物認證、社交媒體或智方便）登入賬戶即可。

*只適用於智能電錶用戶



撐社企 儲積分 一種消費兩種意義



有冇諗過一邊幫襯社企嘅同時，另一邊又可以過環保低碳嘅生活？

由即日起至2024年12月31日，只要幫襯同中電「全心傳電」合作嘅社企，每次消費憑單一發票消費滿港幣50元或以上，就可以賺取250度度分喇，每月最高可賺1,250度度分！

中電「全心傳電」獎賞計劃一直鼓勵用戶節約能源同實踐低碳生活，透過發放度度分，獎勵慳電用戶，儲到嘅積分可以用嚟兌換超過2,700多款節能家電同各式美食超市現金券㗎！今次大家可以幫襯社企、回饋社會之餘，又可以儲分購買節能家電，一舉兩得！

真假要認清 #CLP 先係中電官方訊息



Q 最近我收到自稱來自中電嘅短訊，話我嘅積分未用完，我覺得好可疑，所以刪除咗短訊。我想知道點樣確認短訊真係嚟自中電呢？

A 近日坊間出現咗偽冒中電嘅短訊，我哋再一次提醒大家，記得要有「#CLP」先係真嘅中電官方短訊呀！

我哋喺5月24日起已經加入咗「短訊發送人登記制」，會用「#CLP」開頭嚟發送所有短訊畀用戶，大家就可以容易分辨真假短訊，預防騙案發生。

除咗記實「#CLP」先係中電發出嘅短訊之外，大家仲要記住我哋係唔會透過短訊連結要求提供敏感個人資料，或索取任何銀行、信用卡嘅資料或密碼；通知度度賞積分到期時，短訊唔會附上連結㗎！如你懷疑個人資料被盜用或發現詐騙交易，請即報警求助。